

11.04.2014.



U Goraždu je u prisustvu predstavnika zakonodavne i izvršne vlasti BPK Goražde i općina u njegovom sastavu, te privrednog i obrazovnog sektora, održana svečana ceremonija uručjenja certifikata za 107 polaznika obuke i stručnog osposobljavanja nezaposlenih osoba za poslove šivača autopresvlaka, metalostrugara i CNC – operatora, od kojih je njih 20 nakon obuke već dobilo posao u proizvodnim kompanijama koje rade na području BPK Goražde – Certifikate je uručila Vildana Drljević, izvršna direktorica „ALDI-ja“, udruženja koje je implementator ovog izuzetno vrijednog projekta.

Projekat „Smanjivanje disbalansa između ponude i potražnje za radnom snagom i poboljšanje kompetencija, konkurentnosti i zapošljavanje radne snage u Goraždu“ koji je finansiran od strane Delegacije Evropske unije u BiH, ima za cilj smanjivanje disbalansa na tržištu rada na prostoru Bosansko-podrinjskog kantona u odnosu na ponudu i potražnju, putem stručnog osposobljavanja nezaposlenih lica registrovanih na evidenciji Službe za zapošljavanje.

Jedan od ključnih rezultata prve obuke jeste da je kroz proces stručno- teoretske obuke 107 polaznika uspješno osposobljeno i certificirano za poslove šivača autopresvlaka, metalostrugara i CNC- operatera, od kojih je njih 20-ero nakon obuke već dobilo zaposlenje u proizvodnim kompanijama na području Bosansko- podrinjskog kantona.

